



ქალაქ ფოთის მუნიციპალიტეტის საკრებულო



განკარგულება № 1/5

2021 წლის 28 ოქტომბერი

ქალაქი ფოთი

ქალაქ ფოთის მუნიციპალიტეტში, 9 აპრილის ხეივანი №13ა-ში მდებარე კალათბურთის დარბაზის შენობის ფასადზე საქართველოს სპორტის დამსახურებული მოღვაწის, სპორტის ოსტატის, საკალათბურთო კლუბ „დინამოს“ ვეტერანი კალათბურთელის, სამეგრელოს კალათბურთის ფედერაციის პრეზიდენტის როლანდ ლუდიკოს ძე გარუჩავას მემორიალური დაფის განთავსების შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერიის კულტურის, განათლების, მეგლთა დაცვის, სპორტისა და ახალგაზრდულ საქმეთა სამსახურის ინიციატივით, ქალაქ ფოთის მუნიციპალიტეტის მერმა (გ.კურდღელია) მომართა საკრებულოს და ითხოვა ქალაქ ფოთის მუნიციპალიტეტში, 9 აპრილის ხეივანი №13ა-ში მდებარე კალათბურთის დარბაზის შენობის ფასადზე საქართველოს სპორტის დამსახურებული მოღვაწის, სპორტის ოსტატის, საკალათბურთო კლუბ „დინამოს“ ვეტერანი კალათბურთელის, სამეგრელოს კალათბურთის ფედერაციის პრეზიდენტის როლანდ ლუდიკოს ძე გარუჩავას მემორიალური დაფის განთავსება.

საქართველოს სპორტის დამსახურებული მოღვაწის, სპორტის ოსტატის, ქვეყნისა და ერის წინაშე განსაკუთრებული ღვაწლის მქონე პიროვნების- როლანდ ლუდიკოს ძე გარუჩავას სახელის ხსოვნისა და უკვდავყოფის მიზნით მიზანშეწონილია, ქალაქ ფოთის მუნიციპალიტეტში, 9 აპრილის ხეივანი №13ა-ში მდებარე კალათბურთის დარბაზის შენობის ფასადზე განთავსდეს მემორიალური დაფა.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 პუნქტის შესაბამისად, მუნიციპალიტეტი უფლებამოსილია საკუთარი ინიციატივით გადაწყვეტილ ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და აკრძალული არ არის კანონით.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის მე-3 პუნქტის შესაბამისად, თუ ეს კანონი ან საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ მუნიციპალიტეტის ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო ან მუნიციპალიტეტის საკრებულოს დავალებით – მუნიციპალიტეტის მერი.

აღნიშნულიდან გამომდინარე:

მუხლი 1.

1. საქართველოს სპორტის დამსახურებული მოღვაწის, სპორტის ოსტატის, საკალათბურთო კლუბ „დინამო“ ვეტერანი კალათბურთელის, სამეგრელოს კალათბურთის ფედერაციის პრეზიდენტის, ქვეყნისა და ერის წინაშე განსაკუთრებული ღვაწლის მქონე პიროვნების-როლანდ ლუდიკოს მე გარუჩავას სახელის ხსოვნისა და უკვდავყოფის მიზნით ქალაქ ფოთის მუნიციპალიტეტში, 9 აპრილის ხეივანი №13ა-ში მდებარე კალათბურთის დარბაზის შენობის ფასადზე განთავსდეს მემორიალური დაფა.

2. აღნიშნული განკარგულების შესრულებასთან დაკავშირებით ქალაქ ფოთის მუნიციპალიტეტის მერმა (გ.კურდლელია) გაატაროს ღონისძიებები საქართველოს კანონმდებლობის შესაბამისად.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4. განკარგულება ძალაშია 2021 წლის 28 იანვრიდან.

საკრებულოს თავმჯდომარე

ბექა ვაჟარაძე

